

附廣肘後方序

昔伊尹著湯液之論周公設醫師之屬皆所以拯救民疾俾得以全生而盡年也然則古之賢臣愛其君以及其民者蓋非特生者遂之而已人有疾病坐視其危苦而無以救療之亦其心有所不忍也仰惟國家受天成命統一四海主上以仁覆天下輕稅損役約法省刑蠲積負柔遠服專務以德養民故人臣奉承於下亦莫不以體國愛民爲心惟政府內外宗公協同輔翼以共固天保無疆之業其心則又甚焉於斯時也蓋民罹兵火獲見太平邊境寧而盜賊息矣則人無死於鋒鏑之慮刑罰清而狴犴空矣則人無死於桎梏之憂年穀豐而畜積富矣則人道藏輯要

肘後備急方序

九

虛集十

無死於溝壑之患其所可虞者獨民之有疾病天傷而已思亦有以救之其不在於方書矣乎然方之行於世者多矣大編廣集奇藥羣品自名醫貴胄或不能以兼通而卒具況可以施於民庶哉於是行省乃得乾統間所刊肘後方善本卽葛洪所謂皆單行徑易約而已驗籛陌之間顧眄皆藥家有此方可不用醫者也其書經陶隱居增修而益完矣既又得唐慎微證類本草其所附方皆洽見精取切於救治而卷帙尤爲繁重且方隨藥著檢用卒難乃復摘錄其方分以類例而附於肘後隨證之下目之曰附廣肘後方下監俾更加讎次且爲之序而刊行之方雖簡要而該病則衆藥多易求而論效則遠將使家自能醫

人無天橫以博濟斯民於仁壽之域以上廣國家博施愛物之  
德其爲利豈小補哉皇統四年十月戊子儒林郎汴京國子監  
博士楊用道謹序

道藏輯要

肘後備急方序

十

虛集十  
上

正一天師清微弟子洪百堅製作

道教學術資訊網站